

十
任
經



百二十
卷二

47972



佛曰 增 轉
 帝 階 綴 昌
 一 州 天 安 寺 法 金 剛 院 置
 西 子 二 月 日 重 脩



Small, dark, illegible markings or characters at the bottom center of the page.

十住經卷第二

姚秦三藏法師鳩摩羅什共佛陀耶舍譯

十住經離垢地第二

一切菩薩眾

聞說上地義

其心皆清淨

歡喜無有量

各於所坐處

踊住虛空中

脫身上妙衣

以散金剛藏

咸皆稱讚言

善哉金剛藏

大智無所畏

善說菩薩地

解脫月大士

知眾心清淨

欲聞第二地



卷

第二

相貌之所說

即請金剛藏

大智願解說

第二地相貌

一切皆欲聞

爾時金剛藏菩薩摩訶薩語解脫月菩薩言
佛子菩薩摩訶薩已具足初地欲得第二地
者當生十心何等為十一柔軟心二調和心
三堪受心四善心五寂滅心六真心七不雜
心八無貪恪心九快心十大心若諸菩薩摩
訶薩已具足初地欲得二地者先當生是十
心諸佛子菩薩欲住是離垢地從本已來離
一切殺生捨棄刀仗無瞋恨心有慙有媿於
一切衆生起慈悲心常求樂事尚不惡心惱
於衆生何況麁惡離諸劫盜資生之物常自

滿足不壞他財若物屬他他所受用他所攝
者於是物中一草一葉不與不取何沉過者
離於邪姪自足妻色不求外欲屬他女人尚
不生心何況從事離於妄語常真語實語諦
語直語不作憎惡妄語乃至夢中尚不妄語
何況故作妄語離於兩舌無破壞心此聞不
向彼說彼聞不向此說於鬪諍離散人中常
好和合離於惡口所有言語不虛獷苦惡令
他瞋惱不以瞋慢令他怖畏惱熱不愛不喜
自壞其身亦壞於他如是等語皆悉捨離所
有言語甚可喜樂美妙悅耳能化人心和柔
具足多人愛念能令他人歡喜悅樂常出如

是之語離於綺語常自守護所可言說應作
不作常知時語實語利益語順法語壽量語
不為戲樂語乃至戲笑尚不綺語何況故作綺
語不貪他物若有屬他他所貪着他所攝用不
作是念我當取之離瞋害心嫌恨心迫熱心
等常於衆生求好事心愛潤心利益心慈悲
心離於占相習行正見決定深信罪福因緣
離於諂曲誠信三寶生決定心菩薩如是常
護善道作是思惟衆生墮諸惡道者皆由十
不善道因緣我今當自住十善法亦當為人
說諸善法示正行處何以故若人自不行善
為他說法今住善者無有是處又是菩薩復

深思惟行十不善道因緣故則墮地獄畜生
餓鬼行十善道因緣故則生人處乃至有頂
處生又是十善道與智慧和合修行心劣弱
者樂少功德厭畏三界大悲心薄從他聞法
至聲聞乘復有人行是十善道不從他聞自
然得知不能具足大悲方便而能深入衆因
緣法至辟支佛乘復有人行是十善道清淨
具足其心曠大無量無邊於衆生中起大慈
悲有方便力志願堅固不捨一切衆生故求
佛大智慧故清淨菩薩諸地故能淨諸波羅
蜜故能入深廣大行又能清淨行是十善道
乃至能得佛十力四無所畏四無礙智大慈

大悲乃至具足一切種智集諸佛法是故我等應行十善道常求一切智慧是菩薩復作是思惟此十不善道上者地獄因緣中者畜生因緣下者餓鬼因緣於中殺生之罪能令衆生墮於地獄畜生餓鬼道若生人中得二種果報一者短命二者多病劫盜之罪亦令衆生墮於地獄畜生餓鬼道若生人中得二種果報一者貧窮二者共財不得自在邪淫之罪亦令衆生墮於地獄畜生餓鬼道若生人中得二種果報一者婦不貞良二者得不隨意眷屬妄語之罪亦令衆生墮三惡道若生人中得二種果報一者多被誹謗二者恒

為多人所誑兩舌之罪亦令眾生墮三惡道
若生人中得二種果報一者得弊惡眷屬二
者得不和眷屬惡口之罪亦令眾生墮三惡
道若生人中得二種果報一者常聞惡音二
者所可言說恒有諍訟綺語之罪亦令眾生
墮三惡道若生人中得二種果報一者所有
先言語人十住卷二不信受二者有所言說不能分了貪
欲之罪亦令眾生墮三惡道若生人中得二
種果報一者多欲二者無有厭足瞋惱之罪
亦令眾生墮三惡道若生人中得二種果報
一者常為他人求其長短二者常為他所惱
害邪見之罪亦令眾生墮三惡道若生人中

得二種果報一者常生邪見之家二者其心
諂曲諸佛子如是十不善道皆是衆苦大聚
因緣菩薩復作是念我等何故不遠離是十
不善道行十善道亦令他人行此善道如是
念已即離十不善道安住十善道亦令他人
發心住於十善道是菩薩爾時於一切衆生
中生安隱心樂心慈心悲心憐愍心利益心
守護心師心大師心我所有心作是念是諸
衆生墮於邪見隨逐邪心行邪險道甚可憐
愍我等應令是衆生住正見道如實法中是
諸衆生常共瞋恨鬪爭分別彼我我等應令
是衆生住無上大慈中是諸衆生無有馱足

常貪他人財物恒以邪命自活我等應今是
衆生住於清淨身口意業是諸衆生隨逐貪
欲瞋恚愚癡因緣常爲種種煩惱大火之所
燒然不求得出方便我等應今是衆生滅諸
煩惱大火安置清涼之處是諸衆生常爲無
明黑闇所覆入大黑闇遠離智慧光明入於
生死大險道中隨逐種種邪見我等應今是
衆生使得無礙清淨慧眼以是眼故知一切
法如實相得不隨他教得一切如實無障礙
皆是諸衆生墮在生死險道中將墜地獄畜
生餓鬼深坑入惡邪見網中爲種種愚癡叢
林所覆隨逐虛妄邪道徑路常爲愚癡之所

直具遠離有智導師非是出道謂為出要墮
惡魔道隨順魔意遠離佛意我等應今是眾
生度於生死險道艱難安處今住一切智人
無畏大城無諸衰惱是諸眾生為諸煩惱暴
水所沒常為欲流有流見流無明流所漂常
隨生死相續不絕入大愛河為諸煩惱勢力
所食不能得求出要之道常為欲覺瞋覺惱
覺惡蟲所害又為身見水中羅刹所執入於
五欲深流洄瀆諸難之中為喜愛淤泥之所
深汙我慢陸地之所焦枯無所歸趣於十二
入怨賊聚落不能得出不遇導師能正度者
我等應於是眾生生大慈悲以大善根力而

卷

上住卷二

四

周登

拔濟之得安隱處離諸驚怖隱沒住一切智
慧寶洲是諸衆生深心貪著多有憂悲苦惱
患難憎愛所縛欲械所繫入於三界無明稠
林我等應令是衆生遠離一切三界所著令
住離相無礙涅槃是諸衆生深著我我所於
五陰巢窟不能自出常隨四倒依六入空聚
爲四大毒蛇之所侵害爲諸煩惱衆賊所殺
受此無量諸苦惱者我等應令是衆生離一
切貪著令住空無我智道所謂涅槃斷一切
障礙是諸衆生其心狹劣樂於小法遠離無
上一切智慧以是貪著小乘心故不求無底
大乘出法我等應令是衆生住廣大心無量

無邊諸佛法中所謂無上大乘諸佛子是菩薩如是隨順持戒力善能廣生大慈悲心是菩薩住離垢地得見數百佛數千萬億那由他諸佛見諸佛已以衣被飲食卧具醫藥資生之物供養諸佛於諸佛所生恭敬心復受十善道受已乃至得阿耨多羅三藐三菩提終不中失是菩薩若干多百多千乃至多百千萬億劫遠離慳貪破戒垢故淨修布施持戒諸佛子譬如成鍊真金在礬石中諸一切垢則盡轉復明淨菩薩亦如是住是離垢菩薩地中多百多千乃至無量百千萬劫遠離慳貪破戒垢故淨修布施持戒菩薩亦時於四

攝法中愛語偏多十波羅蜜中戒波羅蜜偏
勝餘波羅蜜非不修集但隨地增長諸佛子
是名菩薩摩訶薩第二離垢地菩薩住是地
中多作轉輪聖王為大法王廣得法力七寶
成就有力自在能除一切眾生慳貪破戒之
垢以善方便卷今眾生住於十善道中為大布五
施而不窮盡所作善業若布施若愛語若利
益若同事皆不離念佛不離念法不離念諸
菩薩摩訶薩伴不離念諸菩薩所行道不離
念諸波羅蜜不離念十地不離念諸力無畏
不共法乃至不離念具足一切種智常生是
心我當於一切眾生之中為首為勝為大為

妙為上為無上為導為將為帥為尊乃至於
一切眾生中為依止者諸佛子是菩薩摩訶
薩若欲捨家勤行精進須臾之間於佛法中
便能捨家妻子五欲得出家已勤行精進須
臾之間得千三昧得見千佛知千佛神力能
動千佛世界能飛過千佛世界能照千佛世
界能教化千世界眾生能住壽千劫能知過
去未來世各千劫事能善入千法門能變身
為千於一一身能示千菩薩以為眷屬若以
願力自在示現過於此數若干百千萬億那
由他不可計知爾時金剛藏菩薩摩訶薩欲
重明此義而說偈言

菩薩柔軟心
眞心不雜心
得是十心已
成就諸功德
常離於劫盜
不惡口綺語
不惱於衆生
亦無諂曲心
所有劇苦惱
皆從惡心有
行於眞實理
所有受樂處

調和堪受心
無有貪悋心
入於第二地
常離於殺主
不生邪淫心
他人所有物
直心行正見
柔軟不放逸
地獄與畜生
我今已永離
寂滅之善法
禪樂三乘樂

善心寂滅心
快心與大心
菩薩住是地
不惱於一切
實語不兩舌
不生於貪心
無有憍慢心
護持諸佛教
餓鬼熾然身
如是諸惡事
從人至有頂
皆從十善生

如是思惟已

心常不放逸

身自持淨戒

亦教人令持

徧觀諸眾生

種種受苦惱

如是惑念已

轉生深悲心

凡夫甚可愍

墮在諸邪見

心多懷瞋恨

常好起諍訟

常樂於五欲

貪求無有厭

起三毒因緣

我應度此等

深覆愚癡闇

墜生死險道

入大邪見網

卷二 十在卷二

隨於惡籠檻

常為諸魔賊

煩惱之所壞

此等甚可愍

我應度脫之

沒深煩惱水

四流所漂漫

且受於三界

百種諸苦毒

住五陰深巢

生我我所心

我為度此苦

當勤修行道

捨無上佛慧

生於下劣心

令住佛大智

發無量精進

菩薩住此地 集無量功德 得值遇諸佛
承事而供養 以是因緣故 善根轉明淨
猶如好真金 鍊之以礬石 佛子住此地
常作轉輪王 令諸衆生等 住於十善道
從初發心來 所修習諸福 願以救世間
今得佛十力 若欲捨王位 出家行學道
勤心行精進 得入千三昧 得見數千佛
供養聽受法 菩薩住此地 能示如是事
若以其願力 示諸神通事 度脫於衆生
過此數無量 常爲諸世間 勤求好事者
具足解說此 第二地已竟
明地第三

諸菩薩聞是

不可思議行

心皆大歡喜

恭敬無有量

即時虛空中

雨眾名華香

如雲而垂下

供養金剛藏

咸讚言善哉

善哉金剛藏

善說諸大人

護持淨戒行

於諸眾生中

深有憐愍心

敷演解說是

第二地行處

菩薩微妙行

真實無有異

是諸菩薩等

清淨之行足

為一切眾生

常求諸好事

第二淨明地

今已解說竟

天人恭敬者

願說第三地

善示智所作

菩薩之所行

願說諸大人

云何行布施

持戒及忍辱

精進行禪定

智慧與方便

并及慈悲心

云何行是法

清淨於佛行

解脫月菩薩

語金剛藏言

菩薩至三地

當以何等心

金剛藏菩薩摩訶薩語解脫月菩薩言佛子
諸菩薩摩訶薩深淨心行第二地已欲得第
三地當以十心得入第三地何等為十一淨
心二猛利心三獸心四離心五不退心六堅
心七明盛心八無足心九快心十大心諸佛
子是菩薩摩訶薩以是十心得入第三地能
觀一切有為法如實相所謂無常苦空無我
不淨不久敗壞不可信相念念生滅又不生
不滅不從前際來不去至後際現在不住菩
薩如是觀一切有為法真實相知此諸法無

作無起無來無去而諸衆生憂悲苦惱憎愛
所繫無有停積無定生處但為貪恚癡火所
然增長後世苦惱火聚無有實性猶如幻化
見如是已於一切有為法轉復厭離趣佛智
慧是菩薩知如來智慧不可思議不可稱量
有大勢力無能勝者無有雜相無有衰惱憂
悲之苦能至無畏安隱大城不復轉還能救
無量苦惱衆生如是見知佛智無量見有為
法無量苦惱於一切衆生轉生殊勝十心何
等為十衆生可愍孤獨無救貧窮無所依止
三毒之火熾然不息閉在三有牢固之獄常
住煩惱諸惡刺林無正觀力於善法中欲樂
心薄失諸佛妙法而常隨順生死水行驚畏
涅槃是菩薩見衆生如是多諸衰惱發大精

心薄失諸佛妙法而常隨順生死水行驚畏
涅槃是菩薩見衆生如是多諸衰惱發大精
進是諸衆生我應救我應解應令清淨應令
得脫應著善處應令安住應令歡喜應知所
宜應令得度應使滅苦菩薩如是善遠離一
切有爲法深念一切衆生見諸佛一切智有

無量利益即時欲具佛智慧救度衆生故勤
行菩薩道作是思惟以何因緣以何方便是
諸衆生墮在大苦諸煩惱中當拔出之使得
永住畢竟常樂即時知住無礙解脫智慧中
者乃可得此是無礙智慧解脫不離通達諸
法如實智無行行慧如是智慧之明從何而

得當知不離多聞決定智慧復作是念無礙
解脫等諸佛法以何爲本不離聞法爲本菩
薩如是念已一切求法時轉加精勤日夜常
樂聽法無有厭足心無休息喜法愛法依法
隨法重法究竟法歸法救法隨順行法菩薩
如是方便求法所有珍寶財物金銀等庫藏
無所匱惜於此物中不生難想但於說法者
生難遭想爲求法故於內外物無不能捨世
間所有可布施者所謂國土人民眷屬田業
財物摩尼寶珠金銀庫藏象馬輦輿衆寶瓔
珞諸嚴身之具妻子男女及支節手足耳目
鼻舌舉身施與無所愛惜又爲求法故於說

法者盡心恭敬供養給侍破除憍慢我慢大
慢諸惡苦惱無理等事悉能忍受深求法故
若得一句未曾聞法勝得滿三千大千世界
珍寶得聞正法一偈勝得轉輪聖王釋提桓
因梵天王處無量劫住是菩薩若有人來作
是言我與汝佛所說法一句能淨菩薩所行
道令汝得聞若能入大火坑受大苦者當以
相與是菩薩作是念我受一句法故尚於三
千大千世界火坑從梵天投下何況墮小火
坑我等求法應盡受一切諸地獄苦猶應求法
何況人中諸小苦惱為求法故發如是心又
如所聞法心常喜樂悉能正觀是菩薩聞諸

法已降伏其心於空閑處心作是念如說行者乃得佛法不可但以口之所言菩薩如是能住明地即離諸欲惡不善法有覺有觀離生喜樂入初禪滅覺觀內清淨心一處無覺無觀定生喜樂入二禪離喜故行捨心念安慧身受樂諸賢聖能說能捨常念受樂入三禪斷苦斷樂故先滅喜故不苦不樂行捨念淨入四禪是菩薩過一切色想滅一切有對想不念一切別異想故知無邊虛空即入虛空無色定處過一切虛空想知無邊識即入識無色定處過一切識想知無所有即入無所有無色定處過一切無所有處知非有

想非無想安隱即入無色非有想非無想處
但隨順諸法行故而不樂著是菩薩以慈心
高廣無量無瞋恨無惱害以信解力徧滿一
方二方三方四方四維上下亦復如是悲心
喜心捨心高廣無量無瞋恨無惱害以信解
力徧滿一方第二第三四方四維上下亦復
如是是菩薩有種種神通力能動大地一身
為多身多身為一身現滅還出石壁山障皆
能徹過如行虛空於虛空中加跌而去猶如
飛鳥入出於地如水無異履水如地身出煙
燄如大火聚日月有大神德威力而能以手
捫摸摩之身力自在乃至梵世是菩薩以清

淨天耳過於人耳悉聞人天音聲遠近是菩薩以他心智如實知他心深心如實知深心離深心如實知離深心瞋心離瞋心癡心離癡心垢心離垢心小心大心散亂心如實知散亂心定心不定心縛心解心有上心無上心如實知有上心無上心如是以自心知他心是菩薩念知宿命諸所生處所謂一世二世三四五世乃至十二三十四十五十乃至百世千世萬世百千萬億那由他世一劫二劫乃至百千萬億那由他無量劫數其中諸劫無量成壞於諸劫中所經因緣悉能念知我生彼處如是種族如是姓名如是飲食如

是苦樂如是久住我於彼死生於此間於此
間死生於彼間如是種種相貌因緣悉能念
知是菩薩天眼清淨過於人眼見衆生生死
形色好醜善惡貧賤富貴趣善惡道隨業受
報皆如實知所謂是諸衆生成就身惡業成
就口惡業成就意惡業拒逆賢聖受邪見教

起罪業因緣故身死墮惡道生在地獄是諸
衆生成就善身業善口業善意業不逆賢聖
信受正見行善業由因緣故死後生善處天上
是菩薩於諸禪定解脫三昧能入能出而不
隨生但見何處有助善提法處以願力故能
生其中是菩薩住明地中見數百千萬億那

由他諸佛恭敬供養尊重讚歎衣服飲食卧
具醫藥親近諸佛聽受經法聽受法已隨力
而行是菩薩尔時觀諸法不生不滅衆緣而
有於百千萬億劫所集欲縛漸得微薄一切
有縛一切無明縛皆悉微薄不復積集不積
集故斷於邪貪邪瞋邪癡諸佛子譬如具金
巧師練治轉更精好光明倍勝菩薩亦如是
住在明地不集三縛故斷於邪貪邪瞋邪癡
諸善根轉增明淨是菩薩忍辱心柔軟心美
妙心不壞心不動心不濁心不高心不下心
一切所作不望報心他少有作當生報心不
諂曲心不深亂心轉勝明淨尔時菩薩於四
攝法中受語利益偏多十波羅蜜中忍辱波
羅蜜精進波羅蜜轉多餘助善提法皆轉明

攝法中愛語利益偏多十波羅蜜中忍辱波
羅蜜精進波羅蜜轉多餘助菩提法皆轉明
淨諸佛子是名諸菩薩第三明地菩薩摩訶
薩住是地中多作釋提桓因智慧猛利能以
方便因緣轉諸眾生今離婬欲所作善業若
布施若愛語若利益共同事皆不離念佛念
法乃至不離念具足一切種智常生是心我
當何時於眾生中爲首爲尊乃至於一切眾生
中爲依止者是人若欲勤加精進於須臾間
能得十萬三昧乃至能示十萬菩薩以爲眷
屬隨其願力神通自在不可等數若干百千
萬億那由他劫亦時金剛藏菩薩欲令此義

轉明故而說偈言

菩薩以是心 能得第三地

淨心猛獸心

離心不退心 堅心堪受心

快心及大心

以如是等心 得入於三地

智者住明地

觀有爲作法 不淨無常苦

無我壞敗相

無有牢固性 不久念念滅

如是思惟知

無有來去相 見諸有爲法

如病如癰瘡

愛心所纏縛 生諸憂悲苦

但爲貪恚癡

猛火所焚燒 從無始世來

熾然常不息

即時於一切 三界生獸離

惡賤有爲法

心無所貪著 但求諸佛智

無量無邊限

甚深難思議 清淨無諸苦

如是見佛智

無諸苦惱已

哀愍諸眾生

貧窮無福慧

三毒火常然

無有救護者

墮在地獄中

百種苦所切

放逸凡夫人

沒諸煩惱聚

盲冥無所見

失諸佛法寶

常隨生死水

無怖空怖畏

我於是眾生

當勤度脫之

精進求智慧

為作饒益者

思惟何方便

可以得救護

惟有諸如來

深妙無礙智

此智何為因

惟從智慧生

思惟是智慧

但從多聞生

如是等壽量已

勤求多聞法

日夜常精進

聽受無厭倦

讀誦愛樂法

惟法以為貴

為欲求法故

以諸珍寶等

所親愛妻子

隨意諸眷屬

國土及城邑

資生諸好物
頭目耳鼻舌
心肝及髓腦
若得聞正法
語此菩薩言
朕後當與汝
自投於火聚
須彌梵世下
諸佛所說法
始從初發心
盡此諸劫數
向況於人間

歡喜而施與
牙齒及手足
以此等施人
是爲最甚難
汝今若能入
諸佛所說法
設使大千界
不足以爲難
救諸苦惱者
乃至成佛道
爲欲求諸法
小小諸苦惱

心無所戀惜
支節及血肉
猶不以爲難
假令有一人
是大猛火聚
聞已即歡喜
火聚滿其中
若爲求一句
得之甚爲難
我於其中間
備受阿鼻苦
以聽法因緣

能得正憶念

正憶念因緣

能生諸禪定

深妙等三昧

及五神通事

次第皆能起

自在不隨生

菩薩住是地

能以決定心

多供養諸佛

聽受所說法

斷邪愛恚等

餘煩惱微薄

猶如成練金

調和得其所

菩薩住是地

福德藏充滿

多作初利事

自在化姪欲

愛佛功德故

化導無量眾

悉能令得住

無上佛道中

菩薩住是地

能以柔軟心

勤行於精進

得百千三昧

悉得見諸佛

相好莊嚴身

其心轉猛利

願力皆殊勝

常為諸眾生

勤求好事者

分別解說此

第三明地已

十一住經卷第二

卷



